



UiTM NEWS HUB
Hab Berita Rasmi UiTM



[Home](#) / [2025](#) / [November](#) /

Persidangan Kebangsaan Warisan Kebudayaan Tidak Ketara 2025 Perkukuh Usaha Pemeliharaan Identiti Bangsa

KONFERENS & SEMINAR

30/11/2025 / DR NUR'HIDAYAH CHE AHMAT





Permatang Pauh, 8 Oktober 2025 – Persidangan Kebangsaan Warisan Kebudayaan Tidak Ketara 2025 telah berlangsung dengan jayanya pada 7 dan 8 Oktober 2025 di Universiti Teknologi MARA (UiTM) Cawangan Pulau Pinang, Kampus Permatang Pauh bersempena penganjuran Festival Cita Rasa Warisan@IPT. Persidangan ini menjadi platform ilmiah yang menghimpunkan

sarjana, penyelidik, penggiat industri dan pelajar bagi membincangkan isu, cabaran serta strategi pemeliharaan warisan kebudayaan tidak ketara di Malaysia.

Program ini bertujuan meningkatkan kesedaran masyarakat, khususnya pelajar institusi pengajian tinggi, terhadap kepentingan memelihara nilai tradisi dan identiti bangsa. Objektif utama persidangan adalah untuk memenuhi agenda **2003 Convention for the Safeguarding of the Intangible Cultural Heritage, UNESCO**, menyediakan garis panduan amalan terbaik, serta membuat rekomendasi perlindungan warisan kebudayaan tidak ketara. Selain itu, ia menjadi platform perkongsian ilmu antara pakar, agensi kerajaan, ahli akademik dan komuniti, serta mempromosikan makanan warisan yang diiktiraf sebagai **Warisan Kebangsaan** di bawah **Akta Warisan Kebangsaan 2005 (Akta 645)**.



Lebih **200 peserta** hadir, terdiri daripada pensyarah, penyelidik, pelajar, pegawai Jabatan Warisan Negara, penggiat industri dan orang awam. Sebanyak **13 kertas kerja** dibentangkan merangkumi kelestarian makanan warisan dalam pendidikan, asimilasi budaya dalam konteks makanan tradisi, dan peranan makanan warisan sebagai pemangkin ekonomi. Persidangan ini turut menghasilkan prosiding yang menekankan kepentingan pendidikan makanan warisan di sekolah dan universiti, sokongan kerajaan terhadap makanan warisan Malaysia, serta pembangunan pangkalan data digital warisan tidak ketara.

Maklum balas peserta menunjukkan persidangan ini berjaya meningkatkan kesedaran dan menggalakkan kolaborasi antara universiti, agensi kerajaan dan komuniti tempatan. Secara

keseluruhan, persidangan ini mencapai objektif yang ditetapkan dan diharap dapat diteruskan dengan penglibatan lebih luas demi melestarikan warisan bangsa.



Tags: [UiTM Cawangan Pulau Pinang Kampus Permatang Pauh](#), [Universiti Teknologi MARA \(UiTM\)](#)

Program STEM Camp 2025 Dorong Minat Pelajar Meneroka Bidang Sains

Program Bakti MADANI Mega UiTM 2025 @ Bukit Besi Perkukuh Keusahawanan Sosial dan
Pemeriksaan Komuniti

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA (UiTM)
40450 Shah Alam, Selangor Darul Ehsan
Malaysia
Tel: +603-5544 2051 / 2000

